



Broj : 10/E-11- ⁶⁸² /26
Sarajevo: 10-02-2026 godine

Na osnovu člana 10c. stav (5) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za prostorno uređenje i investicije od 02.02.2026. godine, Opštinski načelnik d o n o s i :

ODLUKU

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzimaju se usluge izdavanja saglasnosti javnih preduzeća za potrebe izgradnje nove saobraćajne infrastrukture (JP Elektroprivreda BiH, KJKP Sarajevogas, BH Telecom, KJKP Toplane-Sarajevo, KJKP Vodovod i kanalizacija).

Član 2.

Procijenjena vrijednost usluga iz člana 1. ove Odluke iznosi ukupno 1.280,00 KM bez PDV-a, a sredstva su planirana u Budžetu Općine Centar Sarajevo za 2026.godinu, na budžetskom kontu: 821222-8; JRJN: 98390000-3 – Ostale usluge.

Član 3.

Pravni osnov za donošenje odluke o izuzeću od primjene Zakona o javnim nabavkama su odredbe Zakona o prostornom uređenju Kantona Sarajevo („Službene novine Kantona Sarajevo“, broj 24/17 i 1/19) i odredbe Zakona o komunalnim djelatnostima („Službene novine Kantona Sarajevo“, broj 14/16, 43/16, 10/17-ispr., 19/17, 20/18 i 22/19). Predmetne usluge iz člana 1. ove Odluke će se izvršiti od javnih komunalnih preduzeća (JP Elektroprivreda BiH, KJKP Sarajevogas, BH Telecom, KJKP Toplane-Sarajevo, KJKP Vodovod i kanalizacija).

Član 4.

Ova Odluka stupa na snagu danom donošenja i ista će biti objavljena na web stranicu Općine Centar Sarajevo.

O b r a z l o ž e n j e

Na osnovu zahtjeva Službe za prostorno uređenje i investicije od 02.02.2026. godine u vezi donošenja odluke o izuzeću za usluge izdavanja saglasnosti javnih preduzeća za potrebe izgradnje nove saobraćajne infrastrukture (JP Elektroprivreda BiH, KJKP Sarajevogas, BH Telecom, KJKP Toplane-Sarajevo, KJKP Vodovod i kanalizacija).

U skladu sa odredbama Zakona o prostornom uređenju Kantona Sarajevo („Službene novine Kantona Sarajevo“, broj 24/17 i 1/19) i odredbama Zakona o komunalnim djelatnostima („Službene novine Kantona Sarajevo“, broj 14/16, 43/16, 10/17-ispr., 19/17, 20/18 i 22/19) Općina Centar Sarajevo je obavezna obezbijediti saglasnosti javnih preduzeća radi izgradnje nove saobraćajne infrastrukture, Kabinet općinskog načelnika – Odsjek za javne nabavke predlaže donošenje iste.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;*
- b) ta saradnja uspostavljena isključivo na osnovu potreba vezanih uz javni interes;*
- c) ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.*

Predmetne usluge se mogu obezbijediti od JP Elektroprivreda BiH, KJKP Sarajevogas, BH Telecom, KJKP Toplane-Sarajevo, KJKP Vodovod i kanalizacija, a koje se odnose na pružanje usluga iz komunalnih djelatnosti radi izgradnje nove saobraćajne infrastrukture.

Pravni osnov za donošenje odluke o izuzeću od primjene Zakona o javnim nabavkama su odredbe Zakona o prostornom uređenju Kantona Sarajevo („Službene novine Kantona Sarajevo“, broj 24/17 i 1/19), i odredbe Zakona o komunalnim djelatnostima („Službene novine Kantona Sarajevo“, broj 14/16, 43/16, 10/17-ispr., 19/17, 20/18 i 22/19).

Općina Centar Sarajevo neće zaključiti ugovor za navedene usluge, već će se izvršiti plaćanje usluga na osnovu dostavljenih faktura/računa od strane javnih preduzeća (JP Elektroprivreda BiH, KJKP Sarajevogas, BH Telecom, KJKP Toplane-Sarajevo, KJKP Vodovod i kanalizacija).

Za praćenje i realizacije ove Odluke zadužena je Služba za prostorno uređenje i investicije.

Analizirajući predmetni zahtjev, utvrđeno je da su ispunjene pretpostavke za realizaciju predmetne nabavke putem izuzeća, odnosno da su finansijska sredstva za ove namjene planirana u Budžetu Općine Centar za 2026. godinu, na budžetskom kontu: 821222-8.

Shodno zakonu i općim aktima Općine, Općinskom načelniku dostavlja se prijedlog Odluke o izuzeću od primjene Zakona o javnim nabavkama na konačno odobravanje i saglasnost.

Cijeneći prethodno navedeno donesena je Odluka kao u dispozitivu.

Dostaviti:

1. Službi za prostorno uređenje i investicije
2. Kabinetu općinskog načelnika - Odsjeku za javne nabavke
3. Službi za finansije
4. Evidenciji

